

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編第五十二輯
沈雲龍主編

奉天邊務輯要

李廷玉·傅疆撰

文海出版社

有限公司
印行

wt 24 5 / 3001

奉天邊務輯要

序

前清光緒三十三年徐尙書菊人出督東三省以余於日俄戰後調查東邊尙
得要領召佐戎幕是年九月抵奉奉派偕同傅君彊往查鴨綠江長白山一帶
以爲防邊之預備歸呈報告圖說并述鄰邦謀我隱情且建長白山附近分設
郡縣之議次年徐公檄余署臨江縣事又奏派兼長白設治委員由是奉吉勘
界長臨勘界臨通臨輯勘界次第進行而開山通道造舟航江亦相繼規畫時
余總角友魏君震方爲部郎因余資淺任重以書抵余謂須結歡司長某公始
無掣肘之患余則以爲作事當立定脚跟他不足慮因婉謝之未幾果以領款
故與某公忤飛語流傳百般誣陷曰用人太濫也曰用款不實也幸徐公未爲
所動余謁徐公堅辭差缺不許請添派設治總辦許之以總辦屬之張直刺鳳
台余則以臨江令襄助之凡八閱月增設長白一府及安圖撫松兩縣規模大
定余辭兼差而宰臨如故在臨江凡九月所設施者如關山成路伐木造梁開

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



放街基荒地不索分文革除鄉約會房改設巡警籌常年警費萬七千餘兩勸導韓僑歸化千數百家召集內地商民三千餘戶對岸日韓各官傾心相與多年渠盜如劉苗等一并投誠又巡警教練所宣講所師範講習所小學校無不極力創設事實詳各篇中不煩贅舉惟生平嫉惡甚嚴往往與世乖午巡防督辦縱兵殃民則舉狀以攻之采本公司藉端索賄則列款以揭之余方自鳴得意且信大快人心矣而忌余者則亦畢力去余以爲快或嘲之爲第二大帥或譏之爲第二欽差造作流言以圖傾陷省委探查者至十數起幸皆端人正士歸則輒以實告徐公信任之心反愈以固宣統初徐公內召余則亟請去官徐公允之卸任旅見公顧余而言曰汝先我退甚佳余對曰信然稍遲則四面受敵困垓心矣後五年任贛南鎮守使孤行已意一如宰臨時不數月間以嚴拿亂黨去職且奪官善哉徐公之言曰非我不能用李守得一知己死不憾矣比年開復原官仍僑居京都閉門思過閒搜取在臨公牘撮要付梓非敢自表暴

也以存實云爾

中華民國六年一月

李廷玉誌

李廷玉誌

一

奉天送形制要

序言

本年九月下旬委員等先後蒙

督撫憲傳見諭以東事日亟吉林東南界雖已派員經畧而臨江一帶密爾韓境不可不先事籌畫以爲之備爾等其速協商親往查勘並將應行經畫各情詳密查報俾得量度情勢與吉林連絡辦理十月初一日謹奉

鈞札飭帶測繪學生暨護從書記差弁等並照所呈手摺分飭辦理懍遵之下匆匆治裝十四首途月抄抵臨函稟到境日期後遂卽妥慎將事逐地密勘逐事詳查十二月二日歸自白山臨事既竣卽沿鴨綠江南下於十二月二十五日回省計在途七十一日在臨十一日行道二千六百四十里所見所聞有可危懼者有可欣望者紀不勝錄錄不盡意謹就大要及今亟應整頓挽回者紀述事畧附陳意見都爲十篇而以伐木情形會房概數著名鄉紳臨江轄境各保地戶通信機關擬請飭交諮議廳總核再行分交各司道局所妥籌辦理所

測臨江邊界圖自奉至臨及東邊一帶形勢圖暨重要攝影另製三冊附誌例
畧統乞

垂鑒而施行之謹掇序言代稟錄篇目如左

- 第一 記邊界
- 第二 記對岸日人經營
- 第三 記越墾韓民
- 第四 記日韓交涉
- 第五 記鬍匪
- 第六 記山路江道
- 第七 記商況
- 第八 記鄉約
- 第九 記巡警步哨

第十 記教育

附 行程紀畧

光緒三十三年十二月二十五日

委員

李廷

玉

謹

識

書
月
光
車
馬

第一 記邊界

事畧

自來論中韓邊境者中外一詞以圖們鴨綠兩江爲界圖們一曰豆滿門江水出於長白山南麓之分水嶺東麓有二源十數年前北洋會辦大臣吳大澂與韓委員李重夏會議吉林界務不得要領而止故吉林與韓交界但能以康熙五十一年五月烏喇總管穆克登所立於圖們北岸之十字界碑華夏金湯固河山帶礪長爲據而今乃起間島問題勘查奉天與韓去俄領各地甚遠且當時韓爲附庸之國境界如何我政府不甚措意僅憑鴨綠江流認爲天然界綫今者中韓關係易而爲中日關係假令鴨綠江源頭與圖們之源成銳角形或爲交尾形則間島問題一經解決卽不致再生波折今查鴨綠江有正源圖們無正源不能一綫相引劃然作界此則奉吉邊境最當研究處也延吉邊情另有專員履勘前約連絡辦理未接該員函告頗引爲憾茲第能就臨江一帶述其概要而已臨

江之西南境以錯草溝(西)及鴨綠江(北)爲界釐然不混其東北一隅則江源未見山脈錯出通常以白山派子(東)及龍崗(北)二處爲定界而韓(東)與吉林(北)是否由此起點殊不可考是不特臨江縣界不明卽奉吉省界亦不明奉吉省界不明則臨江邊界亦隨之而混矣此次查勘重在臨江邊界謹就東北隅詳晰言之所謂白山派子者白頭峯爲長白山主山有五峯無頂峯水由西北向東流土名通天河入山頂之池土名龍池又曰關門潭天池周圍可六十里內有黑魚終年不凍下三十里陂度稍緩處其間正南面皆輕石石炭岩等質之石礫其有紅色草處土名赤山東南爲橫山派子以下有三蒸池池下二白石峯矗峙左峯狀如石佛坐像右如武將立像兩峯之間卽鴨綠江發源處多輕石土名江掌韓人稱之曰張弓棒意卽江掌峯也水由峯間懸下成瀑布深兩丈許正南流三十里轉向東南三十里經年急流不凍九十里抵龍門嶺石對立如門高丈許中爲江流正派左右有數小水注入之

嶺左韓
人疊石

爲小廟現尚存其形式

西南流受韓界葡萄山來水過獨山里（韓名少刀蓋）自開水

韓名利母格加）獅項嶺至深浦里

皆韓界地名

約五十里水勢暢流又三里卽我

界之二十四道溝江寬四五丈二十一道溝下則寬可七八丈自此屈曲流駛爲臨江南界水綫極明惟江中有大小洲渚硝石（另有圖）界乎我岸韓岸之間者將來定邊界時極當加意者也是江兩岸形勢水流及地名城邑所在另繪詳圖茲不具贅但有一事足記者卽江源左岸約四五里三悉池有殘壘矗立雪中約丈餘雪深不能逼視是否當日兩國界址頗難懸斷考之日人守田氏最近著書立於長白山頭之清韓界碑以土門爲界一語

見陸軍步兵中佐守田利遠氏明治

三十九年九月出版之滿洲地誌第七編第三章第一節間島概言

或卽指此殘壘歟若然則冰融雪消以後由

駐延吉專員溯圖們江源至此視查確實不第奉韓邊界從此瞭然卽間島問題亦可從而解決矣更有與邊界當一律重視者奉吉省界是也臨江北負龍崗崗脊卽省界不過尋常摹擬之詞並無左證龍崗自白頭峯起至臨江西界

實已五百餘里崗陰半為韓邊外轄地東由古洞河至西方大鷹溝寬街寬可

二百四十里北由牡丹嶺穆禽河至南方花砬子那爾轟地方長可二百里見守

田地誌第七編第二章第三節第一項領域位置 臨江土民稱其地為崗後稱邊外為大房子實則踞

長白山陰牡丹松花兩江發源一帶之地而為臨江吉林間之秘密國固不能

謂為奉天轄地亦不得為吉林境土幸與朝鮮隔一臨江縣界不至如間島之

惹起交涉然使長白山頭中韓境界不明亦足為滿洲將來之大患者也

意見

間島交涉之爭點我以該地為延吉廳治轄地知有延吉廳而已不知有所謂

間島論似是也而彼則曰圖們江者韓界穩城以下大河之定名上有二源在

北為圖們江韓稱分界江 在南為豆滿江韓稱伊後江即圖們色禽 土門豆滿固為圖們之異音

然則土門豆滿之間之地果將誰屬論亦未嘗非也積此二說構成今日之境

界交涉推厥原因在彼則欲圖吉林以防俄在我則徒有廳治而不理此案歸

宿必待兩國會勘而始定今之鴨綠與圖們同上流雖在臨江境內亦猶延吉之有名無實溯自江源以迄帽兒山約七百餘里四道溝以上韓民多於土著十八道溝以上日人多於韓民詳第二篇二十一道溝以上幾無人跡此岸彼岸誰爲之證顧由此越長白而北卽爲混同松花江源抵吉長鐵路東端轉繞由間島且近數百里不得志於北勢將折而圖南第二間島問題可朝夕至也故爲綢繆未雨之計對於外宜勘界定約對於內宜設官駐兵界約之事吉林奉天自必同時舉辦而據查鴨綠一帶於會訂時竊謂有當注意者七事(一)圖們鴨綠兩源不得引成銳角必將白山主峯劃爲我界多立碑址記明經緯度數(二)宜定明江心爲界遇有洲渚與兩岸直角距離相等者除未漲出或每年漲水時被淹沒者外不論面積大小均宜指定名稱作爲兩國共有洲渚嚴禁公私一切經營(三)凡非條約允許之地此就我岸言不准日韓官越界駐守及移住其已越界盜木之日官事詳第二篇及光緒二十五年後越墾之韓民一概撤

回韓民有願久住者准其歸化(四)兩岸各地但係經過或僱傭之官民以非有戰鬪行爲者爲限准其跨岸往來(五)兩國有一國提議修濬或利用江道須經協商以無礙對岸國公私利權爲限方准獨辦若必須合辦之事須得兩國政府承認(六)一國獨辦事業不得徵收對岸國人民之通過稅(七)兩岸礮彈能及之地均不許建築礮台及駐守軍隊軍艦此七者皆從現在已有將來必有之情弊立論未敢一語涉及誇張者也能盡如是則邊患或可稍弭然僅對外而不治內則空穴來風雖有約章仍屬空文耳擬請在臨江東境韓界惠山鎮對岸日人經營情形第二篇增設州治駐紮防軍擴充巡警辦法另述第九篇中茲不贅具但就州治設立方法條舉大概如左

(甲)定界

一臨江轄境原有長慶榮洪壬富六保東西四百里南北百里共計面積四百萬方里東南與韓鄰西北與通化輯安搭界今設州治擬請劃長慶榮

三保之地即臨東南一帶東至白頭山北界吉林韓邊外及迤北崗後即韓邊外領地各地面積約五十

萬方里為州治建署於塔甸原名協山城甸子地較臨江邑城寬可一倍適與韓界惠山鎮相

對形勢扼要

一原有臨江縣僅餘洪壬富三保富生保實只半保之地其半劃歸輯安且皆瘠地擬請劃輯

安迤東滋生祥和二保滋生亦係半保地與臨江富生保相連祥和地面已墾者多可補臨江之不足歸入臨江

縣而以蒿子溝或羊魚頭祥和保地有高嶺為界蓋輯安原有十一保半之地太

覺遼闊不便管理只擬劃出二保者因過此即輯安縣城所在不宜過事

紛更也

一崗後漫江湯河二處名為吉林府轄境實去府城千有餘里地勢遼闊韓

邊外佔踞其間久為盜賊淵藪應請劃分漫江湯河之地設立二縣歸奉

省統轄則長白一帶聲勢連絡而荒地亦漸開闢

(乙)管轄範圍

一與京廳管轄區域本嫌遼遠茲復增設一州二縣且割取吉林一隅之地似非另建直隸州不足以資統治今擬設直隸州於鴨綠上游名曰長白直隸州新設之漫江湯河二縣及原屬興京廳之臨江輯安統歸長白州管理一州四縣東西約千里南北約四百里其形勢固大有可爲也

(丙)簡員

一長白州知州宜選知兵知外交之幹員俾之以特權重之以厚祿使得從容展布延攬人才而無所於困

一漫江湯河二縣宜派知兵之設治委員其地本屬韓邊外領域能仿雲貴各省土司之例特派韓效忠爲漫江設治委員則勢順而無亂另以老練強幹之員任湯河設治之責與漫江相對暗爲監察數年而後則韓邊外之患可除東邊之賊窩亦平

一臨江輯安兩縣亦宜與長白州知州同其資格原有署缺人員津貼太少

不能得人佐治是一缺點

其餘鑿道開江安電通郵移民開墾皆與邊務極有關係因須詳記事實另述於後篇卽此設官一端而論其有益於邊務者第就重大言之日俄均勢因此得以稍殺而邊患亦不至日急(利一)韓登舉領域收入版圖不至名存實亡(利二)白山主脈三江江鴨綠江圖們江松花江發源得有重鎮從此界限分明邊荒開闢(利三)鴨江一千五百里上游下游一廳鳳凰廳一州即指長白山同受成於東邊道而中有四縣皆瀕江岸臨江輯安寬甸安東足與對岸日勢相抗(利四)應請發交邊疆大員核議分別奏咨辦理庶邊圉可固而圖們鴨綠不至再起波瀾矣

第二 記對岸日人經營

事畧

日本之經營朝鮮也甲午則脫離中國而扶之獨立乙巳則擊退俄勢而歸其保護丁未協約改訂則逼韓王禪位而圈入版圖舉其全國八道爲軍事殖民地東南則兼事農商西北則併營林木而其大目的則防俄也對於我國則暗侵政策而已奉天之東自白山以迄東溝沿岸綫二千餘里處處與韓隔一江卽處處與日本隔一江我無江防邊防一味主張民政彼則明目營林實已暗駐軍隊謀奪江權試卽對岸之營林廠情形記之卽可知其經營之如何辰巳之役日韓協約成立韓境北道森林許日合辦丙午秋統監府內特立營林廠以前在安東之軍用木材廠長小島爲長官分遣工兵及山林技師經營咸境平安二道迤北一帶森林駐陸軍工兵大尉一柳藤市於咸鏡道西部之惠山鎮江岸卽臨江十九道溝之對岸置清韓通譯技手各數人名統監府營林廠惠山鎮分遣

所並派陸軍憲兵曹長渡邊喜太郎爲惠山鎮憲兵分區所長駐憲兵六名步兵二分隊於廠傍移民百餘戶立市場一處設郵便及電信局一所往來吉林安東北青平壤間同年又設新架坡咸鏡道三水郡沿江之小中江洞平安道燕城郡在臨江之小部落原名下長里復於鴨綠下流之北下洞地方設立貯木場爲木材聚集之所自咸鏡道南端海岸即朝鮮東海岸與日本北海道對洪原北青等郡此間有日本通商場在所設之電話綫迄今已經由惠山鎮沿江岸而西架設至中江洞臨江邑去年春擅由惠山鎮接綫渡江東至長生保二十二道溝北順十九道溝溝身至雙全頭以爲其官民連絡聲氣之具茲先將關於營林事業上之布置列表如左

臨江對岸日人經營情形表

韓界地名	臨江地名	公	所市	場房	屋設	官駐	兵遷	民
下長里 新江洞	縣治對岸	營林廠出張所	一	處八十餘間	庶務一員	兩分隊	三十餘戶	

界河城	馬連城	古牌城	新牌城	米湯城	梭羅城	羅暖城	金山衛	惠山鎮
岸十一二道溝對	被陰亭對岸	岸十三道溝灣對	十三道溝對岸	十三道溝水澗溝對岸	十三道溝上雪羅城對岸	十四道溝下斜對岸	十七道溝上金廠街對岸	十九道溝下塔甸對岸
官署一所現空			營林廠出張所					憲兵所 營林廠 木材 警察所
			一處			一處		一處
三十餘間	二十餘間	三十餘間	八十餘間	三十餘間	四十餘間	三十餘間	四十餘間	二百餘間
			所長一員 隊長一員					警所長一員 隊長一員 憲兵長一員 庶務一員
			兩分隊				八名	四分隊
五六戶	七八戶	三四戶	三十餘戶	二十餘戶	二十餘戶	十餘戶	二十餘戶	七十餘戶

實	城	對岸	二十道溝上斜	二十餘間	五六戶
統	計	八	處	五	處
員	二百二十	六名	七百餘間	拾	員
餘戶	二百三十				

表內所記市場房屋皆辰已以後陸續新建含有兵隊及木工之宿舍在內民皆木工約在二千名以上琉球人居其半數統歸憲兵管束韓民無敢與較者擅自越江至臨江界經營者除電話綫已如上記外其他情形條列如左

臨江長生保日人經營大概 光緒三十二年四月調查

一 梨樹溝地方 十九道溝西首 日人修路寬五六尺許遇林則伐遇石則鑿遇河

架橋 另有詳圖

二 協山城甸子地方 自兩江口至十九道總名 沿江一帶丈量拾丈餘立一木牌

三 十九二十一道溝江心日人堆雜木高二丈餘中間留一流口寬丈餘

欄江築壩三道 另有影片

四 在十九道溝口修路寬丈餘遇樹卽伐遇石卽鑿遇河架橋寬六七尺許河中有碍木料流出之處盡行修成流口約四十里至雙垵頭其間均蓋房屋內設木廠三處一在距溝口八里地名小葡萄子佔用魏姓田地築蓋木房一在東識巴尾地方距小葡萄溝十里佔用荒地築蓋木房一在雙垵頭地方距東識巴尾二十里佔用木杷劉金峭木廠並將其住房圈入作爲木廠共計木廠三處日人百餘名朝鮮工人三百餘名

五 在二十道溝修路築橋如前式築蓋木房一處日人四十餘名韓工五六十名俱在溝口修路伐木

六 在二十一道溝修路築橋如前式蓋木房二處一在金姓田內一在距金姓地四里處共約日人三十餘名

七 二十二道溝亦修路築橋有日人三十餘名修蓋房屋尙未伐木

八 以上約計日兵丁五十名工役五百餘名僱工韓人七百餘名共伐木

材入江者計二十萬連日本木
牌名稱

臨江長生保日人經營近情 本年十一月調查

一 日人修路築橋蓋房設壩情形與三十二年同

二 十九道溝溝內三十里西空即雙空日人增建房屋約六十間日工約

百餘名僱用韓工二三百名從事伐木又設小鐵軌一道推運木材二十

一道溝日人增設營林廠一所高懸日本國旗內住技手一名名三輪久

太郎溝內築小鐵軌約三里推運木材日人在此溝伐木者約三百名

以上第就營林廠事業上之布置記其大概更進而徵其事業其與我國利害

有關係者再列如左

(一) 臨江對岸之營林廠事業有關係於我國者

一 凡設營林廠處門懸二牌一為營林廠一為木材廠按營林廠係日韓
合辦鴨綠江左岸森林者木材廠即軍用木材廠之舊觀暗中經營鴨綠

江右岸林木者所設官長頭銜亦皆並列與我地方官往來文牘且有單用木材廠名稱而其戳記仍曰軍用木材廠印

二 初設營林廠時該廠直接告我界地方官嚴禁清人越界伐木而暗中仍勾串愚民入山砍伐圖取山稅木稅及木材成籐放江故意將人材一併扣留愚民不知放棄者有之廉價售賣者有之

三 本年七月間定鴨綠江岸漂流木材撈集法不論木主爲何國人凡木材流至韓岸者諭飭居民撈集統報該廠待主招領實則沿途撈收充當建築一切材料或編爲籐運下販賣茲將該廠長小島所定管理漂流木材事項照錄於下

一 江岸村民不論何人當竭力尋覓漂流木材如有發見時須速至木材

管理人處飛報

木材管理人以江岸各地村長及各地方有力派充

二 管理人當隨時令村內人民管守漂流木材記明木材數目山號材主

及撈集地名開具清單報明本廠支廠出張所

三凡來報撈集木材者每木一連賞銀二角以內保管人及管理人每木一件賞銀一角百件賞銀三元

四漂流木材之木主可至本廠支廠出張所報領木材但須查照姓名住址山號均屬正當者方能交付且須繳納當日保管並撈獲之費用倘係不正之木主及經過每年十一月即將木材入官概不准領

五如犯前項規程或掠奪隱匿改刻山號私賣者嚴辦不貸

(附記)此章一定吾國沿江之雜字號木簾大半爲日本所奪吾國木主不知條規亦鈔報領者

四 本年十月間又許吾國木把至韓界砍伐車軸等圓料木材推其用意所在欲增進稅項經營厥務而已惟吾民已畏懼不敢入山矣茲將其章程照錄如後

一 在本廠管理森林區域以內採伐及搬運車輛用材之韓國人不經本廠許可不得從事

二 欲得採伐車軸木材之許可者須先將原籍及現在住所姓名職業並採伐地名人數字號暨採伐所需人員一一報明本廠呈請辦理

日本人亦得援前項之例呈請採伐車輛用材但須身家清白來歷確實

清國人之呈請者亦許清國道台及地方知縣保證若係來歷確實之良民方能許可

三 凡經本廠許可者即頒發執照使其攜帶

四 遵照前條辦法受本廠許可入山採伐及運出之時所帶執照須呈明附近分卡照驗再給驗照否則認爲盜伐有驗照者中途若受他人妨害呈報各卡可得保護

五有前條驗照之人流放木材統至本廠北下洞貯木場聚集以受檢查將左記之金額繳納後方准自由買賣如不經檢查即往他處搬運將全部木材歸官照章從嚴議罰

大車軸每條稅洋三角五分 小車軸每條稅洋一角八分 車柱每條稅洋八角

在本廠繳納金額之外無論木至何處勿庸再納如再有索費之處可直來本廠報告

(附記)安東木稅章程因此破壞矣

六如違背以上之章稅無論何人照章嚴罰

(附記)既曰無論何人則此種木材之運入安東者若索木稅亦被嚴罰矣

七本章程自宣布之日施行

(二) 臨江長生保之營林廠事業

一 藉軍用之舊例知管理之不及逞合辦之約未定擇木材最良之地爲將來合辦地段張本擅自派工砍伐估爲已有掠奪我國木柶已成之木材使木把望而生畏得以逞其所欲此其計畫之第一

二 日本人民善此業者尙少本年改僱吾國木把包伐至成材而給以廉價坐收費少值多之利長生保牌頭于祥雲卽彼包工之一每木一千五百立方寸給價二十元此其計畫之第二

綜觀以上各情有一營林廠則彼之邊防已固大利已收形勢已佔加以北青之軍隊圖們之汽船惠山之鐵道吉林安東北青平壤間之郵信電報電話種種設備業已完全來年聞尙欲於鴨綠江試行小輪若可來往則江權又得故曰日本之對岸經營亡韓防俄對於我國則暗侵政策也

意見